

KONTROL MOZIOA

USAI TXARRAK DIRELA ETA

Axier Jaka Goikoetxea EH BILDU udal taldeko zinegotziak, Udalbatzaren Organo Araudiko 98. artikulua oinarri, mozio hau aurkezten du, Udalbatzan azter dadin. Mozioa 2016eko maiatzaren 16ean Gune Publikoko Batzordean aztertutako interpelazioaren ondorioa da.

JUSTIFIKAZIOA

Duela zenbait urtetatik, herritarrak udalerrian ematen ari diren usain txarren gertaerez kezu dira. Batez ere, Urumearen Erriberako auzoak, Egia, Intxaurren, Gros, Amara eta Zorroagako auzuneetan gailentzen ziren usain txarren kexak... Kexa hauen haritik, aurreko legegintzaldian, 2013-2014an, Ikerketa Olfatometriko bat burutu zen Eusko Jaurlaritza eta Donostiako Udaleko Ingurumen Departamenduaren artean: gertaerak egonkortasun meteorologikoa eta hego haize ahula dagoen egunetan ematen zela ondorioztatu zen eta, hain zuzen, azufrezko konposatuek eragiten zituztela usain txarrok: batez ere dimetildisulfuro, dimetilsulfuro eta karbono sulfuroa. Azterketa toxikologikoak ere egin ziren Osasun Publiko sailetik, usaion kaltegarritasuna aztertzeko. Azkenik, ikerketan hiru iturri aztertu ziren, EDAR, San Markoko zabortegia eta Zikuñagako papertegia, eta usain-gertaera hauek Hernaniko Zikuñagatik (Papelera Gipuzcoana S.A.) zetozela ebatzi zen.

Hori dela eta, lantalde bat osatu zen Donostiako Udala, Eusko Jaurlaritza eta Zikuñagako ordezkarien artean, jarduerari dagokion ingurumen legeria betetzen bazuen ere, Ingurumen-baimen Bateratuaz haratago, neurri zuzentzaile gehigarriak ezartzeko xedearekin.

Berriki, ordea, ikusi dugu usain txar hauen gertaerak eman direla berriro ere. 2015ean 23 eta 2016ko lehen hilabeteetan, bost. Usain hauek ustez toxikoak ez diren arren, donostiarren bizi kalitatearen ikuspuntutik beharrezkoa da egoera honi irtenbidea ematea.

Eguzki talde ekologistak berak, aurtengo apirilean, Eusko Jaurlaritza eta Donostia, Hernani eta Astigarragako udalei eskatu zien papertegiarekin adostu eta ezarri zitzatela beharrezko hobekuntza tekniko eta produktiboak usain txarrokin behin betikoz amaitzeko.

Gai honetaz batzordeetan Ekologiako zinegotzi ordezkariari galdetuta, erantzun zitzaigun azkeneko gertaera hauen berri bazuela Udalak, Zikuñagako papertegia hartu dela jatorritzat, gertaeren erregistroa egiten jarraitu dela eta maiatzaren 2ko astean Eusko Jaurlaritzari eskaera formala egin zitzaiola industriagune honetan inspezio-bisita egiteko.

EH Bildu talde politikoa
Grupo político EH Bildu

Ijentea, 1 - Tel. 943481027 - www.donostia.eus -
20003 Donostia

Erantzun egokia deritzogu Udal-gobernuaren aldetik, baina urteetako lanaren ondoren (ikerketa olfatometrikoa, lantaldeak, neurri zuzentzaileak...), uste dugu usain txar hauekin behin betiko amaitzeko konpromisoa eskatu behar zaiela bai Eusko Jaurlaritzari, bai Papelera Guipuzcoanari.

KONTROL MOZIOA:

1.- Udaltzak hertsatuki eskatzen dio Udal Gobernuari Eusko Jaurlaritzarekin eta papertegiarekin gutxienez elkarlana egin dezala usain txarren gertaera hauekin amaitzeko beharrezko neurri zuzentzaileak definitu, ezarri eta ebaluatzeko.

Donostian, 2016eko maiatzaren 20an.

Axier Jaka Goikoetxea
EH Bildu udal taldeko zinegotzia